

BILTEN

O SARADNJI PRIVATNOG
I JAVNOG SEKTORA
OPCINE JABLANICA

BROJ: **I/16**
KVARTALNO IZDANJE

BILTEN I/16

O SARADNJI PRIVATNOG I JAVNOG SEKTORA U OPĆINI JABLANICA

Bilten je namijenjen kontinuiranom praćenju ekonomskih procesa u općinama Konjic, Jablanica i Prozor-Rama. Dinamika izlaska Biltena je kvartalna i dostupan je na općinskim službenim stranicama ove tri općine, te na stranici Agencije za ekonomski razvoj „PRVI KORAK“ d.o.o. Konjic. Funkcija Biltena je i pružanje prostora za bolje razumijevanje ekonomskog prostora na području ove tri općine, te intenziviranje saradnje javno-privatnog partnerstva u funkciji razvoja privrednih kapaciteta i poboljšanja kvalitete života na prostoru ove tri lokalne zajednice.

Javno-privatni dijalog (JPD) je svaki oblik interakcije između javnog i privatnog sektora, uključujući razmjenu informacija, mišljenja, iskustava i znanja između predstavnika lokalne samouprave i vlasnika mikro, malih i srednjih preduzeća/ udruženja; konsultovanje privatnog sektora o važnim pitanjima za razvoj zajednice i unapređenje poslovnog okruženja; uključivanje privatnog sektora u proces donošenja odluka na lokalnom nivou. Javno-privatni dijalog predstavlja jedan od ključnih preduslova za stvaranje povoljnog poslovnog okruženja i cjelokupan održivi razvoj općine Jablanica.

Inicijativu za formiranje Lokalnog Vijeća za Konkurentnost (LVK) kao tijela za vođenje JPD podržavaju Ministarstvo privrede Hercegovačko-neretvanskog kantona, Regionalna razvojna agencija za Hercegovinu REDAH i GIZ - Njemačkog društvo za međunarodni razvoj.

Lokalno vijeće za konkurentnost (LVK) ima za cilj unaprijediti javno-privatni dijalog između predstavnika javnog, privatnog i civilnog sektora te povećati konkurentnost privrede i razvoj naše općine, sa krajnjim ciljem rasta životnog standarda svih naših građana. Da bismo ostvarili ovaj cilj, želimo unutar općine, regije, kantona, a i šire, stvoriti uslove za povećanje konkurentnosti privatnog sektora, jer samo privatni sektor stvara dodanu vrijednost u privredi i tako potiče ukupni privredni rast.

O OPĆINI

Površina općine: 301 km²

Broj stanovnika 10.500

(gustoća naseljenosti

43.3/km²)

Broj naseljenih mjesta: 33

Nadmorska visina:

202 metra

Količina padalina: 1473 l/m²

Klima:

umjereno mediteranska i

mediteranska



GENERALNA KONZULICA REPUBLIKE TURSKJE U BIH, U POSJETI OPĆINI JABLANICA

Generalna konzulica Republike Turske Nj.E. Ayse Selcan Sanli, u utorak 19.1.2016. godine posjetila je Općinskog načelnika Salema Dedića i Općinu Jablanica i tom prilikom su vođeni razgovori o dosadašnjoj saradnji općine Jablanica i bratskih općina Yuvacik i Bašiskele u Republici Turskoj. Općinski načelnik je upoznao Generalnu konzulicu Selcan Sanli sa rudnim, privrednim i turističkim potencijalima i kapacitetima kojima raspolaže općina Jablanica, te namjeru i spremnost Općine Jablanica da razvija posebno privrednu saradnju i postane privlačna za ulaganje i investicije. U tom smislu, općinski načelnik se zahvalio na posjeti visokoj gošći, čija je posjeta još jedan dokaz neraskidivih veza i saradnje općine Jablanica i Republike Turske.



GENERALNA KONZULICA REPUBLIKE TURSKJE U POSJETI OPĆINI JABLANICA

OPĆINA JABLANICA U PROCESU CERTIFIKACIJE KAO SREDINA POVOLJNOG POSLOVNOG OKRUŽENJA (BFC)

Općina Jablanica je ušla u proces certifikacije gradova i općina s povoljnim poslovnim okruženjem u jugoistočnoj Evropi (BFC SEE). Proces certifikacije traje godinu dana, a tehničku pomoć Općini Jablanica pružat će Regionalna agencija za razvoj - REDAH.



Međunarodno priznati standard (BFC SEE) je jedinstveni program za poboljšanje kvaliteta usluga i informacija koje lokalne samouprave u regionu jugoistočne Evrope pružaju privrednicima. Program daje jasne smjernice općinama i gradovima kako da kreiraju dobru poslovnu klimu i uvedu standarde efikasne i transparentne lokalne administracije. S druge, investitorima koji žele da presele ili prošire svoje poslovanje u jugoistočnu Evropu, BFC SEE služi kao standardi-zovan mehanizam za procjenu lokalnih uslova za poslovanje i ukazuje na to koje općine u regionu imaju najpovoljniju klimu za investiranje.

ISPORUKA ROBE PO PROJEKTU HELP-A ZA OPĆINU JABLANICA

Njemačka nevladina organizacija Help, u četvrtak 14.01.2016.godine, pred starom zgradom Općine Jablanica na Doljanci, izvršila je isporuku dijela robe za 15 aplikanata koji su potpisali Ugovor. Isporučiocu oreme su ITC Zenica i Agromehanika Banja Luka.

Ovo je prva isporuka po projektu Helpa “Stvaranje uvjeta za zapošljavanje kroz ciljanu podršku u poljoprivrednoj proizvodnji” na području Općine Jablanica.

Od mehanizacije ukupno je isporučeno pet motokultivatora ,tri kopačice i trimer dok ostatak opreme čine pumpe i žica za podizanje nasada malina.

Inače, njemačka nevladina organizacija Help je 01. Aprila 2015 god. počela sa implementacijom projekta “Stvaranje uvjeta za zapošljavanje kroz ciljanu podršku u poljoprivrednoj proizvodnji” na području Općine Jablanica. Projekat finansira Vlada Savezne Republike Njemačke kroz Pakt za Stabilnost Jugoistočne Europe, a sufinansira općina Jablanica.

Trajanje projekat je 12 mjeseci i kroz ovaj projekat bit će podržano 20 korisnika na području općine Jablanica. Potencijalni korisnici su sve nezaposlene osobe iz socijalno ugroženih kategorija stanovništva sa zdravim poslovnim idejama za započinjanje ili razvoj samostalnih poslovnih aktivnosti.



ISPORUKA MEHANIZACIJE ZA KORISNIKE HELP PROJEKTA

OPĆINA JABLANICA UČESTVOVALA NA KONFERENCIJI PREKOGRANIČNE SARADNJE U SPLITU

Predstavnici Službe za lokalni ekonomski razvoj i investicije, finansije i trezor općine Jablanica, učestvovali su na jenodnevnoj konferenciji u Splitu 10.marta 2016. godine, održane u povodu početka implementacije Interreg IPA prekograničnog programa Hrvatska - Bosna i Hercegovina - Crna gora 2014 – 2020. Na konferenciji su prezentovani najkvalitetniji primjeri projekata koji su bili obuhvaćeni prethodnim pozivom za prekograničnu saradnju, a učesnici su upoznati i sa novim pozivom koji je objavljen 9. marta 2016. godine i bit će otvoren do 10. Juna, do kada će aplikanti moći predavati svoje projektne prijedloge. Poziv koji je objavljen 9.marta 2016.godine, sastoji od sljedeće 4 prioritetne oblasti

1. Prioritetna oblast 1 - "Unapređenje kvalitete usluga u javnom zdravstvu i sektoru socijalne zaštite" - ima za cilj da doprinese poboljšanju javnog zdravlja i socijalne zaštite poboljšanjem dostupnosti i efikasnosti javnog zdravlja i socijalne zaštite i institucija.

2. Prioritetna oblast 2 - "Zaštita okoliša i prirode, poboljšanje prevencije rizika i promoviranje održive energije i energetske efikasnosti" - direktno odgovara na okoliš i

potreba za zaštitu prirode, izazova prevencija rizika u smislu poboljšanja u području sposobnost katastrofa odgovor i ima za cilj jačanje korištenje obnovljivih izvora energije na taj način poboljšanje energetske efikasnosti.

3. Prioritetna oblast 3 - "doprinos razvoju turizma i očuvanju kulturne i prirodne baštine" - ima za cilj dalji razvoj i diverzifikaciju postojećih turističkih potencijala područja programa u isto vrijeme koristeći i zaštitu prirodne i kulturne baštine na održiv način.

4. Prioritetna oblast 4 - "Jačanje konkurentnosti i razvoj poslovnog ambijenta u programsko područje" - se odnosi na glavne izazove i potrebe koji se tiču jačanja konkurentnost i razvoj poslovnog okruženja u programskom području kroz implementaciji prekogranične poslovne podrške akcije koje imaju za cilj jačanje saradnje između institucija za podršku poslovanju, obrazovanju i istraživačke organizacije, klastera i poduzetnika s ciljem razvoja novih proizvoda / usluga / patenti / robne marke u programskom području.



VIJEĆE ZA KONKURENTNOST OPĆINE JABLANICA

U Sali za sjednice Općinskog vijeća Jablanica u četvrtak 17.3.2016.godine održan je 13. Sastanak Vijeća za konkurentnost općine Jablanica, na kome se raspravljalo o odabiru privrednog područja za izradu regulacionog plana, o Programu poticaja MSP u općini Jablanica za 2016.godinu, te o početku rada informacionog sistema „48“. Sastanku su prisustvovali predstavnici privatnog sektora- Udruženja privrednika Jablanica, predstavnici javnog sektora: Općinski načelnik i Predsjedavajući Općinskog vijeća Jablanica, predstavnik sektora poljoprivrede, predstavnici službe za lokalni ekonomski razvoj i investicije, finansije i trezor Općine Jablanica, predstavnik JP EP BiH-podružnica Jablanica, predstavnik JP EP HZHB-radna jedinica Jablanica, te predstavnik Biroa rada.

Na sastanku Vijeća za konkurentnost zaključeno je da se za izradu Regulacionog plana industrijske zone predloži lokalitet „Bijeli potok“, da se sredstva planirana u

budžetu za 2016. za poticaj MSP rasporede na područje općine Jablanica domaćim privrednim subjektima, da se prihvataju prijedlozi Udruženja privrednika o kojima će se očitovati nadležna općinska Služba i dostaviti Općinskom vijeću Jablanica, te da se analizira program agencije „Prvi korak“ iz Konjica u pogledu zapošljavanja, a da se razmotri mogućnost obezbjeđenja potrebnih novih sredstava kroz rebalans budžeta za 2016. godinu.



SASTANAK VIJEĆA ZA KONKURENTNOST

PREDSTAVNICI AGENCIJE „PRVI KORAK“ I USAID-A ZA BIH U POSJETI OPĆINI JABLANICA

Savjetnik za razvoj radne snage pri USAID BiH Amir Sarajlić sa direktorom agencije „Prvi korak“ iz Konjica Dervišom Dizdarevićem i saradnicom Aidom Kreho boravili su 2.februara 2016.godine u Općini Jablanica i razgovarali sa Općinskim načelnikom Salemom Dedićem sa saradnicima, Amelom Muratović i Dženanom Mulahasanovićem.

Razlog posjete je pokretanje projekta zapošljavanja koji vodi američka agencija USAID BiH, koji bi se realizovao putem konjičke agencije „Prvi korak“ uz sufinansiranje lokalnih zajednica. Projekat

uključuje nezaposlene osobe iz Jablanice i Konjica koje se nalaze na biroima za zapošljavanje, a kroz ovaj projekat će imati priliku da steknu neophodnu obuku u nekoliko privatnih konjičkih preduzeća. Ukoliko uključene osobe svojim radom zadovolje potrebe poslodavaca, stižu realne šanse da se zaposle i nastave raditi u ovim preduzećima.

Općinski načelnik je je izrazio podršku ovom projektu zapošljavanja i istakao da će se Općina Jablanica vrlo rado uključiti i aktivno učestvovati i u narednim aktivnostima projekta.



PREDSTAVNICI AGENCIJE „PRVI KORAK“ I USAID-A KOD OPĆINSKOG NAČELNIKA

Formira se:



SENAT PRIVREDE

BOSNE I HERCEGOVINE

Senat privrede/gospodarstva Evrope je organizacija, koja okuplja poslovne ljude, predstavnike malih i srednjih preduzeća, vlasnike porodičnih firmi koji teže povezivanju prema EU i organizuje aktivnosti za otvaranje Senata privrede/gospodarstva u državama Balkana i usmjeravanje prema međunarodnom tržištu, a posebno prema Austriji, Nemačkoj i EU.

Senat privrede/gospodarstva Austrije, Njemačke i EU, je organizacija koja je već duži period prisutna u Hrvatskoj, Srbiji, Makedoniji i u čijem programu je osnivanje Senata privrede/gospodarstva Bosne i Hercegovine 2016. godine u Sarajevu uz podršku privrednika Bosne i Hercegovine, Austrije i Nemačke, sa ciljem jačanja privrednog/gospodarskog ambijenta i bržeg povezivanja sa privredom/gospodarstvom EU kao i unapređivanjem zajedničke saradnje.

Veliku pažnju Senat posvećuje i afirmaciji mladih menadžera. Senat privrede/gospodarstva okuplja eksperte iz različitih oblasti, donosiocje političkih odluka, privrednike/gospodarstvenike, naučnike koji svojim angažmanom žele da doprinesu napretku društva i države. Senat privrede/gospodarstva aktivno će djelovati na stvaranju uslova za učešće evropskih firmi u realizaciji investicionih projekata u Bosni i Hercegovini, podsticati zajednička ulaganja i pružati podršku evropskim firmama koje su zainteresovane za privatizaciju kompanija u Bosni i Hercegovini. Članovi Senata imaju izgrađenu svijest o ličnoj odgovornosti prema državi i društvu. Oni su ambasadori sa misijom, da doprinesu zajedničkom ostvarenju ciljeva, kroz dijalog sa ličnostima i institucijama koje imaju moć donošenja bitnih odluka u svim relevantnim oblastima života.

Vizije i perspektive

Senat privrede/gospodarstva Bosne i Hercegovine kroz svoj program i aktivnosti će promovisati ideju općeg i pojedinačnog interesa, a u cilju unapređivanja privrednih/gospodarskih odnosa Bosne i Hercegovine, Austrije, Nemačke i Evropske Unije.

Cilj je da se na jednom mjestu okupi privreda/gospodarstvo i celokupno društvo kako bismo stvorili „trust mozgova“ koji će se nositi s izazovima izgrađivanje i jačanja suradnje. Danas nam je posebno, kao i globalno, potrebna ekonomsko-socijalna tržišna privreda/gospodarstvo koja se mora obuhvatati i širiti ne samo na tradicionalne članice EU, već i na sve države na našem kontinentu. Budući članovi Senata privrede Bosne i Hercegovine, će se zalagati za ekonomsko-socijalnu tržišnu privredu kako bi dali doprinos stvaranju bolje budućnosti u suradnji između Bosne i Hercegovine i Austrije, Nemačke, EU.

Ciljevi

SENAT privrede/gospodarstva Bosne i Hercegovine će se voditi sledećim ciljevima: Osnovni zadatak je da okupimo poslovne ljude, a prije svega predstavnike malih i srednjih preduzeća, vlasnike porodičnih firmi koji u svojim razvojnim programima teže povezivanju sa međunarodnim tržištem, odnosno jačanje izvoza i kooperaciji sa privredom/gospodarstvom EU. Unapređenje privrednog/gospodarskog i investicionog ambijenta u Bosni i Hercegovini. Podsticanje i produbljivanje suradnje između obrazovnih institucija i privrede/gospodarstva. Članovi Senata će se zalagati za što značajnije otvaranje privrede/gospodarstva Bosne i Hercegovine prema međunarodnom tržištu, a posebno prema Austriji i Nemačkoj, odnosno Evropskoj Uniji, kroz stvaranje poslovnih prilika za Bosanskohercegovačke firme.

Senat privrede/gospodarstva će raditi na organizaciji i infrastrukturnom povezivanju Senata Bosne i Hercegovine sa senatima Austrije i Nemačke, a u cilju efikasnijeg ostvarenja potreba svojih članova.

Senat privrede će dati svoj puni doprinos kroz stvaranje uslova za učešće Austrijskih i Njemačkih kompanija u realizaciji investicionih projekata koje nudi Bosna i Hercegovina, kao i podsticanjem zajedničkog ulaganja između navedenih firmi, odnosno Austrisko - Njemačkih i kompanija iz Bosne i Hercegovine.

Uz podršku državnih organa Bosne i Hercegovine, Senat će organizovati prezentacije onih firmi/preduzeća koja su predmet privatizacije. Zadatak Senata Bosne i Hercegovine, uz neposrednu saradnju sa Senatom Austrije, odnosno Senatom Nemačke, je animiranje zainteresovanih austrijskih, odnosno nemačkih kompanija za realizaciju ponuđenih projekata.

Senat će se baviti i organizovanjem stručnih i poslovnih konferencija koje su interesantne za privredu/gospodarstvo Bosne i Hercegovine. Pored toga, Senat će organizovati seminare i internacionalne panele, diskusije i forume oko aktuelnih i značajnih tema, kako na međunarodnom tržištu tako i u Bosni i Hercegovini.

Senat će se posebno aktivirati kako bi okupio mlade menadžere, kreativne studente, kulturne radnike i druge koji mogu doprinijeti još jačoj vezi sa austrijskim i evropskim društvom i na taj način još više doprinijeti razvijanju mosta saradnje između Bosne i Hercegovine, Austrije, Nemačke i EU.

U Senatima su uključene vodeće ličnosti iz oblasti privrede, nauke, medija i kulture, kao i predstavnici iz domena politike, diplomatije i javnog života. Zadatak Senata je uključivanje i primjena znanja i iskustava iz ovih oblasti. Ove ličnosti su na poseban način odgovorne za sprovođenje ciljeva i predstavljaju Senat privrede u javnosti. One, zajedno sa naučnim savjetom, čine „fabriku ideja“ Senata i pronalaze održiva i perspektivna rešenja za podsticanje nacionalne i međunarodne privrede/gospodarstva. Bosanskohercegovačkim privrednicima/gospodarstvenicima želimo pomoći da saznaju uslove rada i nastupa u Austriskoj i Nemačkoj privredi, kao i da nađu odgovarajuće partnere. Smatramo da se naš doprinos zemlji u kojoj živimo i poslujemo najlakše ostvaruje kroz razvoj poslovanja svakog od nas ponaosob. Takav razvoj događaja smanjuje nezaposlenost i pomaže Bosni i Hercegovini da lakše prođe kroz proces tranzicije koji je neophodan. Djelovanje Senata u cijelosti zadovoljava potrebe i želje privrednika/gospodarstvenika Bosne i Hercegovine (članova Senata) iznad njihovih očekivanja. Senat će se kontinuirano zalagati za intenzivniji ekonomski razvoj zasnovan principima partnerstva između privrednika Bosne i Hercegovine, Austrije i Njemačke..

ZAJEDNIČKI DO KVALITETNOG PROJEKTOG PRIJEDLOGA

U povodu početka implementacije Interreg IPA prekograničnog programa Hrvatska - Bosna i Hercegovina - Crna gora 2014. – 2020., a u skladu sa interesom Općine Jablanica da učestvuje u Javnom pozivu koji je objavljen 9. marta o.g. i traje do 10.juna 2016.godine, Služba za lokalni ekonomski razvoj i investicije, finansije i trezor općine Jablanica, u utorak 29.3.2016.godine, u Sali za sjednice Općinskog vijeća Jablanica, organizirala je sastanak sa predstavnicima nevladinog sektora općine Jablanica: O.K. „Pod istim suncem“, „GSS Jablanica“-Stanica Jablanica, P.D. „Plasa“-Jablanica, P.D. „Vilinač“-Jablanica,



DETALJ SA SASTANKA

P.D. „Prenj-Glogošnica“- Jablanica, Odred Izviđača „Jablan“ -Jablanica i T.U. „Green valley“-Jablanica, kako bi zajedničke projektne ideje, pretočili u kvalitetnu pripremu projektnog prijedloga od strane Općine Jablanica, a takođe i vodili aktivnosti na odabiru partnera u projektu. Rok za dostavljanje projektnih ideja je četvrtak 31.3.2016.godine.

Inače, aktuelni javni poziv Interreg IPA prekograničnog programa sastoji se od četiri prioritne oblasti:

1. Unapređenje kvalitete usluga u javnom zdravstvu i sektoru socijalne zaštite;
2. Zaštita okoliša i prirode, poboljšanje prevencije rizika i promoviranje održive energije i energetske efikasnosti;
3. Doprinos razvoju turizma i očuvanju kulturne i prirodne baštine;
4. Jačanje konkurentnosti i razvoj poslovnog ambijenta u programskom području;

JAVNI OGLASI

Na osnovu člana 41. Statuta općine Jablanica („Službeni glasnik općine Jablanica, broj 2/09) Općinski Načelnik *r a s p i s u j e*

JAVNI POZIV

za odabir korisnika za podizanje nasada jagodičastog voća na području

općine Jablanica za proljetnu sadnju 2016. godine.

Općina Jablanica u okviru projekta „Subvencioniranje sadnje bobičastog voća i njena prerada“ podržava razvoj poljoprivrede kroz sadnju jagodičastog voća. Ovaj projekat će se realizovati u saradnji sa relevantnim partnerima kako slijedi:

Savez poljoprivrednih udruženja Jablanica,
Firma „Šumski Plod“ Prozor-Rama.
Odabrani korisnici

Na području općine Jablanica, planira se podizanje novih nasada jagodičastog voća tržišno orijentiranog sortimenta (malina, kupina, šumska jagoda). Općina će finansijski podržati podizanje najmanje 0,1 ha voćnjaka po vlastitom izboru korisnika. Podrška odabranim korisnicima projekta od strane Općine i firme „Šumski Plod“ Prozor-Rama će biti realizovana na način:

Općina Jablanica finansira nabavku sistema za navodnjavanje potrebnih za najmanje 0,1 ha površine voćnjaka po korisniku i analizu zemljišta. Korisnik se obavezuje sam finansirati vrijednost sadnica i savjetodavnih usluga. Sistem za navodnjavanje korisnici dobijaju u vidu granta, sadnice su ponuđene korisnicima u vidu robne pozajmice pod uslovom povrata na period od 3 godine uz jednu godinu grejs perioda, osim za sortu maline Polka i šumsku jagodu za koje nema grejs perioda i rok otplate je 3 godine.

Iznos zaduženja robne pozajmice biti će izračunat na osnovu cijena (tj. trenutnih cijena na tržištu) dobijenih od dobavljača sadnog materijala. Povrat zaduženja je moguć ili u novcu ili u plodovima. Korisnici moraju prije isporuke uplatiti 30% vrijednosti sadnica isporučiocu sadnog materijala. Vrijednost povrata u plodovima bit će sačinjen na temelju tržišnih cijena jagodičastog voća u vrijeme kada je otkup napravljen.

U skladu sa usvojenim finansijskim modelom, obaveza svakog odabranog korisnika bit će priprema terena za sadnju, nabavka i postavljanje stubova, postavljanje sistema za navodnjavanje, nabavka zaštitnih sredstava i gnojiva (na osnovu pruženih savjeta od strane savjetodavaca), nabavka stajnjaka, održavanje voćnjaka (uništavanje korova, zaštita od bolesti i štetočina i sl.), plaćanje savjetodavnih usluga Savezu (po dinamici plaćanja koja će se dogovoriti sa Udruženjem).

Pravo učešća imaju fizička lica sa projektnog područja koja ispunjavaju opće i dodatne kriterije i koji su spremni sa vlastitim učešćem učestovati (kako je opisano gore) u podizanju najmanje 0,1 ha nasada jagodičastog voća po korisniku/ci.

Opći i dodatni kriteriji za izbor korisnika/ca projekta „Subvencioniranje sadnje bobičastog voća i njena prerada“.

	Opći kriteriji	Potrebni dokumenti
1.	Čitko popunjenu i potpisanu prijavu za Javni poziv za podizanje nasada jagodičastog voća	Popunjena i potpisana prijava – Formular A1
2.	Podnositelj prijave je fizičko lice koje mora imati prebivalište u općini Jablanica.	Potvrda o prebivalištu izdana od CIPS-a (original ili ovjerena fotokopija)
2.	Da je podnositelj prijave upisan u RPG u općini Jablanica	Potvrda nadležne općinske službe kojom se potvrđuje da je podnositelj upisan u RPG i RK.
3.	Podnositelj mora nesmetano raspolagati sa minimalno 1000m ² zemljišta na kojem će se uzgajati jagodičasto voće.	Kao dokazni materijal će poslužiti katastarsko knjižni izvadak ili neki drugi dokaz o pravu raspolaganja zemljištem.
4.	Finansijsko učešće korisnika u projektu.	Izjava da učestvuju u nabavci sadnog materijala i plaćanju usluga savjetodavnih službi potpisana od strane podnositelja izjave - Formular A2
5.	Podnositelji trebaju biti članovi Udruženja. Oni koji to nisu moraju se učlaniti.	Potvrda o članstvu u nekom od poljoprivrednih udruženja sa područja općine Jablanica
	Dodatni kriteriji	Potrebni dokumenti
6.	Broj članova domaćinstva i broj nezaposlenih	Kućna lista; Potvrda sa biroa;
7.	Prednost se daje podnositelju koji do sada nisu imali bilo koju donaciju za podizanje nasada jagodičastog voća od strane matične općine.	Općinski organi će uvidom u svoju bazu podataka ustanoviti je li ovaj kriterij zadovoljen ili ne. Podnositelj nisu dužni dostavljati dodatne dokaze

Opći kriteriji su eliminatorni, dok će se dodatni kriteriji bodovati. Na osnovu osvojenih bodova sačinat će se rang lista.

Proces odabira

Proces odabira će se odvijati u dvije faze, uključujući:

Prva faza: Administrativna usklađenost i evaluacija administrativne prijave

Komisija za odabir sastavljena od predstavnika Saveza poljoprivrednih udruženja vršit će pregled prijava i pregled usklađenosti prijave s administrativnim zahtjevima, a komisiju će imenovati općinski Načelnik na prijedlog SPU Jablanica;

Komisija će vršiti provjeru da li je dostavljena sva dokumentacija koja je pozivom tražena.

Nepotpune prijave se neće uzimati u razmatranje.

Druga faza: Bodovanje dodatnih kriterija

Nakon administrativne provjere komisija će ocijeniti pristigle aplikacije temeljem bodovne liste koja je sastavni dio ovog poziva.

Napomena: Prema bodovanju napraviti će se rang lista. Svi kandidati koji budu odabrani sa rang liste dužni su dostaviti urađenu hemijsku analizu tla. U protivnom isporuka sadnica neće biti izvršena. Ukoliko analiza tla pokaže da kvalitet zemljišta nije pogodan za uzgoj planirane kulture, zajedno sa podnositeljem i stručnim licem će se preporučiti adekvatna vrsta jagodičastog voća.

Sistem bodovanja za dodatne kriterije

Br.	Dodatni kriterij	Indikator	Maks. bodova
1.	Broj članova domaćinstva i broj nezaposlenih	Svi članovi domaćinstva nezaposleni = 20 Jedan član domaćinstva zaposlen = 15 U domaćinstvu zaposleno 2 i više članova = 10 <hr/> Broj članova domaćinstva veći od 6= 20 Broj članova domaćinstva 4-6= 15 Broj članova domaćinstva 1-3= 10	40
4.	Prednost se daje podnositelju koji do sada nisu imali bilo koju donaciju za podizanje nasada jagodičastog voća od strane matične općine.	DA, imali su donaciju = 0 NE, nisu imali donaciju = 10	10
5.	UKUPNO		50

Korisnici koji budu odabrani biti će blagovremeno obaviješteni, a rang lista će biti objavljena na oglasnim pločama općine Jablanica i udruženja, te na službenoj stranici općine Jablanica. Broj potencijalnih korisnika ovog projekta je ograničen.

Svi potrebni formulari za prijavu mogu se dobiti na info pultu općine Jablanica i prostorijama Saveza poljoprivrednih udruženja, a rok za podnošenje zahtjeva je 15 dana, od dana objavljivanja javnog poziva u sredstvima javnog informisanja općine Jablanica (RTV Jablanica), web stranici općine Jablanica www.jablanica.ba, te na oglasnim pločama općine Jablanica i Saveza poljoprivrednih udruženja.

Prijave na javni poziv dostavljaju se najkasnije do 22.03.2016. godine do 15:00 sati, u prostorije Saveza poljoprivrednih udruženja Jablanica sa naznakom NE OTVARAJ ,Prijava na Javni poziv za podizanje nasada jagodičastog voća 2016.godine.

OPĆINSKI NAČELNIK

Salem Dedić, dipl.ecc. s.r

O OPĆINI

Površina općine: 301 km²

Broj stanovnika 10.500 (gustoća naseljenosti 43.3/km²)

Broj naseljenih mjesta: 33

Nadmorska visina: 202 metra

Količina padalina: 1473 l/m²

Klima: umjereno mediteranska i mediteranska



Web:

<http://www.jablanica.ba>

adresa: Pere Bilića 25 88420 Jablanica

www.jablanica.ba

e-mail: jabl.o@bih.net.ba, nacelnik@jablanica.ba

Tel:+387 36 75 13 00; +387 36 75 13 05;

Fax:+387 36 75 32 15;

Kabinet Općinskog načelnika: 036 752-651; 036 751-305

Predsjedavajući Općinskog vijeća: 036 751-303

Stručna služba za poslove Općinskog vijeća: 036 751-311, 036 751-312,

Služba za lokalni ekonomski razvoj i investicije, finansije i trezor: 036 751-304

Služba za civilnu i protivpožarnu zaštitu: 036 751-315

Služba za upravu za prostorno uređenje, građenje, zaštitu okoline i stambeno-komunalne poslove: 036 751-326

Služba za upravu za geodetske, imovinsko- pravne poslove i katastar nekretnina: 036 751-307

Služba za opću upravu, društvene djelatnosti, boračko-invalidsku zaštitu, socijalna pitanja i zajedničke poslove:036 751-318

Sekretar općinskog organa uprave: 036 751-306

Odnosi sa javnošću: 036 752-534